

Segun Byron Boekhoudt:

Pesqueria na Aruba mester haya otro cara y un mentalidad nobo!

ORANJESTAD (AAN) -- Segun e punto di bista di e Biologo Marino Byron Boekhoudt piscamento den futuro lo confronta cu cierto dificultadnan tanto na otro lugarnan di mundo como nos mesun pais. Sinembargo el a acentua: "shonnan nos mester subi nos nivel di pensamiento y eficacia".

Esaki ta e parti final di su charla "Con pa gana placa cu piscamento". Den e segmento aki el a usa un dicho hopi ripiti pa Betico Croes (q.e.p.d): "cabaron cu drumi coriente ta hibe".

PISCAMENTO DEN FUTURO

Boekhoudt a menciona kico tin pa futuro den piscamento, y a splica cada un punto di e siguiente manera:

1) Mas competencia: "poblacion di mundo ta sigui aumenta y na Aruba tambe. Mas hende tambe por cumpra boto y cuminsa pesca. Internacionalmente e Japonés y Koreanonan ta pesca rond mundo, y nos tin di papia di piscadornan Colombiano y Venezolano".

2) Menos pesca: "mundialmente ta worde reconoci awendia cu lama no ta un pos sin fondo. E aña aki ainda por a lesa, tende y mira den medianan di comunicacion cu restaurantnan na Merca a stop di cumpra swordfish pa yuda protege e especie aki.

3) Mas demanda: "na mes momento demanda pa pesca ta sigui subi. Sea pa motibonan di salud of estilo awendia tin mas demanda pa pesca. Combina cu crecemento di poblacion ta nifica cu mas pesca lo tin mester".

4) Mas regulacion: "Door cu lo tin mas pescado, mas demanda pero menos pesca y gastonan mas halto, por spera tambe cu prijs di pesca lo bira ainda mas caro. Esaki ta trece cune cu ms aventurero lo purba nan suerte cu piscamento pa bira rico y alavez cu lo mester bini mas regulacion, pa protege tanto e pescado como e pesca".

CUMINZA CHIQUITO

Byron Boekhoudt a bisa cu pa pesqueria na Aruba e ta kere cu esaki lo ta mehor pa e keda na un nivel artesanal manera e ta awor aki.

"No mester cambia completo pa botonan grandi y bay com-

peti cu e Japonésnan, ni tampoco cu e Venezolanonan. Corda cu 120 kilo 200 dia pa aña ta hopi pesca, y mester cambia e mentalidad completo di nos hendenan. Y biaha tras biaha mi a mira hendenan hipoteca cas, cumpra boto grandi, pa despues nan bay fayit pasobra e no ta rendable".

El a sigui bisa cu e flotiya colorido cu Aruba tin por combina y hasta complementa cu nos turismo.

"Ken por bisa mi cu e botonan crioyo, cu nan colornan atractivo no ta bunita? Cuanto turista no ta para na un di nos wafnan saca potret di e botonan tipico aki?"

Naturalmente, esun cu cuminsa chiquito y crece por yega na tin boto grandi, esey a keda demostra caba. Esakinan ta hendenan cu a pensa mas orienta riba negoshi, esta, eficiente y orienta riba ganashi (bottom line). Hopi biaha nan a specializa y a dirigi nan produccion riba e necesidad di e consumidor".

CENTRONAN DI PESCA

Byron Boekhoudt a señalá cu den futuro, lamentablemente piscadornan lo tin di entrega algo di e libertad cu nan ta goza di dje.

"Nos a papia caba di regulacion pero e centronan por ehemplo no por ta manera antes cu unda cu mi yega mi por mara mi boto. Den futuro, e centronan di pesca lo bira un factor esencial. E centronan mester bira lugarnan cu tur facilidad, tanto pa piscador como consumidor. Un parti di esaki ta incluyendo seguridad contra ladroncia.

Tambe e centronan aki lo mester fungi pa fomenta mas cooperativismo, unda lo trece piscador, comerciante y consumidor hunto den beneficio mutuo".

SANTA ROSA SU META

Byron Boekhoudt a referi tambe na e metanan cu Santa Rosa kier logra:

"Union (mi kier a bisa coalicion, pero awendia esaki a bira palabra malo) den pensamiento, union entre piscadornan, union entre piscado y consumidor; pro-

ductonan maximo; subi produccion local, cada kilo ta yuda; beneficienan riba termino largo. Nos a papia caba di e recursonan, y corda cu ta fia nos ta fia di nos yiunan".

MENTALIDAD NOBO


Finalmente Byron Boekhoudt a expresa kico ta esencial pa e futuro di piscamento na Aruba.

"Pesqueria na Aruba lo mester haya un cara nobo, y mas esencial ainda, un mentalidad nobo. Pero mescos cu nos casnan, ta keda den nos man si pesqueria ta bay perdi

manera algun di e casnan tipico di Aruba, of si nos ta moderniza esakinan, adaptan pa uso moderno y luci cu esakinan como parti di nos


herencia cultural cu tambe ta produci pa nos economia".

Mescos cu e charla a cuminsa mustrandoriba diapositivo nos casnan tipico Arubano, asina Boekhoudt a conclui su presentacion, e vez aki cu un comparacion di dos cas tipico, un abandona y otro restaura, pa refleha asina kico e kiernen cu modernizacion di e sector di pesca na Aruba.

LABCO 

MEDICAL / HOME HEALTHCARE


HUUR Y VENTA DI PRODUCTIONAN MEDICO



- * ROLSTOEL
- * CAMA DI HOSPITAL
- * PROD. PA OXIGENO
- * PO-STOEL
- * KRUK
- * BASTON
- * MACHIN CHECK SUCU
- * SACO PA ORINA
- * PAPAGAAI
- * DECUBITUS-PROD
- * EXAM HANDSHOEN
- * PAMPERS ADULTO
- * ONDER LEGGERS
- * PROD. PA DIABETICO

TEL: 826651

FERGUSONSTR. #52 DAKOTA



**NEW
NEW
NEW**

COLLECTION !!!

KENNETH COLE

VIA SPIGA

COSMO

ROYAL PLAZA 2ND FLOOR

DESTROY

SAN MARINA